

ЧАҚАЛОҚЛАРДА ОМФАЛОЦЕЛЕНИ ДАВОЛАШ НАТИЖАЛАРИНИ ТАХЛИЛИ

Рұзматов И.Б.

АНАЛИЗ РЕЗУЛЬТАТОВ ЛЕЧЕНИЯ НОВОРОЖДЕННЫХ С ОМФАЛОЦЕЛЕ

Рұзматов И.Б.

ANALYSIS OF RESULTS OF TREATMENT OF NEWBORNS WITH OMPHALOCELE

Ruzmatov I.B.

Тошкент тиббиёт академияси Урганч филиали

Цель: оценка ближайшего и отдаленного результатов лечения у новорожденных с омфалоцелем. **Материал и методы:** исследования проведены на 103 новорожденных с омфалоцелем (45 девочек и 58 мальчиков), находившихся на лечении в Республиканском учебно-лечебно-методическом центре неонатальной хирургии. **Результаты:** при малом и среднем объеме омфалоцеле рекомендована радикальная пластика передней брюшной стенки, при большом – выбор зависит от степени висцеро-абдоминальной диспропорции и тяжести пороков развития. Применение нового способа оперативного вмешательства увеличило число выживших больных в 1,4 раза. Количество "хороших" и "удовлетворительных" результатов возросло соответственно в 2,5 и 1,4 раза, а "неудовлетворительных" уменьшилось в 6,1 раза. **Выводы:** полученные результаты позволяют рекомендовать широкое внедрение предложенного метода оперативного лечения омфалоцелем.

Ключевые слова: новорожденные, омфалоцеле, результаты хирургического лечения.

Objective: Evaluation of the results of the nearest and qualified treatment in newborns with omphalocele. **Material and methods:** Studies were carried out on 103 newborns with Omphalocele (45 girls and 58 boys), who were on treatment in the Republican educational-Medical-methodical center of neonatal surgery. **Results:** At small and average volume of omphalocele the radical plastic of a front-abdominal wall is recommended, large-the choice depends on a degree of viscero-abdominal imbalance and severity of malformations. The casings of the new surgical intervention increased the number of surviving patients by 1,4 times. "Good" and "satisfactory" results increased in 2,5 and 1,4 times, "unsatisfactory" decreased by 6,1 times. **Conclusion:** The obtained results allow to recommend wide implementation of the proposed method of operative treatment of Omphalocele.

Key words: Newborns, omphalocele, results of surgical treatment.

Омфалоцеле (эмбрионал чурра, киндик тизимчаси чурраси) – қорин олд деворининг оғир ривожланиш нүқсони бўлиб, унда бола туғилганда қорин бўшлиғи аъзоларининг бир қисми қорин пардадан ташқарида – амнион, вартонов модда ва тўла ривожланмаган қорин пардадан иборат киндик тизимчаси пардаларида жойлашган бўлади. Катта ўлчамили омфалоцелеси бор болалар шифохонага деярли доимо оғир аҳволда тушишади. Одатда, бундай болаларда тери қопламларида цианоз, тана ҳарорати қўтарилиши, ланжлик аломуатлари кузатилиб болада ҳарақатлар сусаяди. Қорин олдинги девори кўриқдан ўтказилганда киндик тизимчаси чуррасининг катта бўлмаган ўлчамига, ён қирралари терисининг қорамтири-қўнғир тусга кирганилигига, нафас олганда эпигастрал соҳани тарангланишига эътибор қаратиш керак. Катта ҳажмли чурралар таркибида доим ичаклардан ташқари жигарнинг сезиларли қисми ҳам бўлади [2,4].

Ушбу патологияда ўлим кўрсаткичларини юқорилиги антенатал, интранатал, операциядан олдинги ва кейинги даврда беморларни даволаш услубини, шунингдек, дефектни ёпиш усулини нотўғри танлаш сабабидир [1].

Ҳозирги давргача омфалоцелени жарроҳлик даволаш самарадорлиги мунозарали бўлиб қолмоқда ва у аномалиянинг анатомик ҳусусиятларига боғлиқдир. Маҳаллий тўқималар билан қорин олд деворини радикал бир этапли пластикаси доимо энг афзал кўрилган бўлсада, яққол висцеро-абдоминал диспропорция

бўлган ҳолларда уни қўллаш чекланган [3,5]. Мазкур жарроҳлик муолажасини чақалоқларда амалга ошириш кўп ҳолларда ўлим билан тугашига сабаб бўлувчи жиддий асоратлар билан кечувчи пастки ковак венанинг босилиш синдроми ривожланишига олиб келади. Юқорида ёзилганлар ушбу касалликлар даволашни муаммолик даражасини намоён қиласи, сабаби чақалоқларда катта ўлчамдаги омфалоцелени даволаш усули нафақат тиббий, балки социал муаммодир.

Тадқиқот мақсади

Чақалоқларда омфалоцелени яқин ва узоқ даволаш натижаларини тахлили қилиш.

Материал ва усуллар

Республика Перинатал Маркази қошидаги Республика неонатал хирургия ўқув-даволаш-методик марказида 2006-2017 йилларда 103 нафар чақалоқ омфалоцеле ташхиси билан бизнинг кузатувимиз остида бўлди. Беморлар иккита гурухга бўлинди: назорат гурухи – 2006 – 2010 йилларда анъанавий текшириш ва даволаш усуллари ўтказилган 48 та bemor; асосий гурух – 2011 – 2017 йилларда биз томондан ишлаб чиқилган ташхислаш-даволаш чора-тадбирлар комплекси қўлланилган 55 та bemor. Асосий гуруҳдаги bemорларга бевосита операциядан олдин ичаклар декомпрессияси мақсадида юқори сифон ҳуқна ва назогастрал зонд орқали ошқозон ичак тизими маҳсулотларини аспирацияси амалга оширилди.

Беморларимизда катта ўлчамли омфалоцеле 24 (23,3%), ўрта ўлчамдаги – 39 (37,9%) ва 40 (38,8%) нафар чақалоқларда эса кичик ўлчамдаги омфалоцеле аниқланды. Шулардан ҳаммаси бўлиб 45 (43,7%) нафарни қиз болалар, 58 (56,3%) нафарни ўғил болалар ташкил қилди. Умумий миқдор ҳисобидан омфалоцеле билан туғилган чақалоқларнинг 84 (81,5%) таси вақтида туғилганлар, 19 (18,5%) таси эса муддатига етмай туғилган чақалоқлардир. Омфалоцеле билан туғилган чақалоқлар касалхонага қуидаги муддатларда госпитализация қилинган: ҳаётининг 1 кунида – 76 (73,8%), 2чи кунида – 15 (14,6%), 3 кунида – 6 (5,8%) ва 4 кун ўтиб – 6 та (5,8%) чақалоқ шифохонага олиб келинган.

Омфалоцеледа постнатал ташҳислаш қийинчилик туғдирилди. Омфалоцеле ташҳисини қўйишда асосан клиник-лаборатор ва инструментал маълумотларга асосландик. Барча bemorларга клиникага келгандарида умумклиник текшириш усуllibардан ташқари, қорин бўшлиғи умумий рентгенографияси, ички аъзолар ва киндик халқаси нуқсонининг ультратовуш текшируви, эхокардиография, шунингдек, нейросонография ўтказилди. Олинган рақамларга статистик ишлов берилди.

Натижалар ва муҳокама

Омфалоцеле билан касалланган 103 та чақалоқдан 91 (88,3%) тасига оператив даво ўтказилди: 77 (84,6%) тасига радикал оператив муолажаси ўтказилди, 14 (15,4%) тасига эса босқичли хирургик даво усули қўлланилди. 12 (11,7%) bemorга консерватив даволаш муолажалари ўтказилди. Консерватив даволаш ўтказилишига сабаб, уларда операцияга монелик қилувчи кўшимча кўплаб нуқсонлар бор эди.

Операция олди тайёргарлиги гомеостаз бузилишларини коррекциясидан иборат бўлди ва у 6-24 соатни ташкил қилди. Омфалоцелеси бор барча чақалоқларга келганда ошқозон-ичак трактининг декомпрессияси ва чурра қопчасининг стерил куруқ резина қўлқоп билан ҳимоялаш муолажалари ўтказилди. Операция олди тайёргарлигининг самародорлик мезони диурез ва гемодинамика кўрсаткичларининг тикланиши билан баҳоланди.

Назорат гуруҳидаги 48 нафар bemorларнинг 38 (79,2%) тасига жарроҳлик амалиёти ўтказилди. Бу гуруҳда 2 (4,2%) нафарига вентрал чурра (Гросс усули) ҳосил қилинди 3 (6,3%) та ҳолатда нуқсон четига Шустер қопига ўхшаш резина қўлқоп 8-10 кунга тикилиб, аста-секин висцеро-абдоминал диспропорцияни бартараф этиш ва болани операциянинг иккинчи босқичига тайёрлаш учун (қорин олд девори радикал пластикаси ёки вентрал чурра ҳосил қилиш мақсадида) ҳар кун унинг ҳажми кичрайтирилиши билан олиб бориладиган босқичли жарроҳлик коррекцияси ўтказилди. Операциядан кейинги даврда чақалоқлар релаксация ҳолатида сунъий ўпка нафаси аппаратида ётиши. Бу давр ичida чурра қопининг таркибидаги аъзолар қорин бўшлиғига бирмунча тўғирлангани ва қорин олд девори ўсгаллиги кузатилди, лекин вентрал чурра ҳосил қилинган ушбу bemorларнинг бирортаси ҳам иккичи босқич операциясигача яшаб қолмади. Чунки бу bemorларда кўпламчи туғма ривожланиш нуқсонларнинг борлиги ва висцеро-абдоминал диспро-

порциянинг мавжуд эмаслиги сабаб бўлди. Назорат гуруҳидаги жами 48 bemorдан 11 (23%) нафари операциядан кейин, 10 (20,8%) таси консерватив даводан кейин нобуд бўлди. Шундай қилиб, мазкур гуруҳда ўлим 21 (43,7%) нафарни ташкил этди.

Асосий гуруҳдаги 55 нафар bemornинг 53 (96,4%) тасида жарроҳлик муолажаси ўтказилди. Улардан 44 (83,0%) тасига радикал ва 9 (17,0%) тасига апоневроз ҳисобига вентрал чурра ҳосил қилиш паллиатив операциясини ўтказдик. Биз катта ўлчамли омфалоцелени операция қилиш ва унда қорин олд девори пластикасини янгича усулини ишлаб чиқдик. Интеллектуал мулк агентлигининг ихтирога патенти олинган (IAP 05314-сон патент, 2016 йил. “Чақалоқларда катта ўлчамдаги омфалоцелени даволаш усули”). Бу усул 9 (37,5%) та катта ўлчамли омфалоцелеси бўлган bemorларда қўлланилди. Унга кўра операция бошлашдан олдин чақалоқларга ошқозон декомпрессияси ва ичакларнинг сифонли ҳуқнаси амалга оширилди. Ушбу муолажа операциядан кейинги даврни силлиқ ва асоратсиз кечишига имкон яратади. Шунингдек, биз таклиф қилган усул қорин бўшлиғи ҳажмини каталашишига ва висцеро-абдоминал диспропорцияни камайишига олиб келди. 9 нафар операция қилинган чақалоқлардан 1 (11,1%) тасида ўлим кузатилди.

Шуни такидаш жоизки, бу гуруҳдаги 44 та радикал операция бўлган bemorлардан 1 нафарига омфалоцеленинг катта ўлчами бўлишига қарамасдан радикал операция ўтказдик. Чунки бу болада ўртacha даражадаги висцеро-абдоминал диспропорция мавжуд бўлиб, бундай ҳолатларда радикал операция bemor ҳаётига хаф солмайди. Бундай вазиятларда болани операциядан кейинги даврда 4-5 кун мобайнида қорин олд девори мушаклари релаксацияда ушлаб туриш, қорин бўшлиғини тез муддатларда ўсиб янги ҳолатга мослашиб олишига имкон яратади. Қолган 2 (3,6%) та bemorда катта ўлчамли чурра оғир кўшимча нуқсонлар билан бирга келгани учун консерватив даво муолажалари олиб борилди. Аммо ўтказилган муолажаларга қарамасдан чақалоқларда полиорган етишмовчилик натижасида ўлим ҳолати қайд этилди. Асосий гуруҳидаги жами 44 та радикал операция бўлган bemordan 9 (16,4%) нафари кичик ва ўрта ҳажми чурра бўлишига қарамасдан операциядан кейин ўлим ҳолати кузатилди. Шундай қилиб, мазкур гуруҳда ўлим 11 (20%) нафарни ташкил этди.

Иккала гуруҳ натижаларини солиштирма тахлил қилиш назорат гуруҳида 27 (56,3%) нафар чақалоқ омфалоцеле ташҳиси билан касалхонадан даволаниб чиқкан, 21 (43,7%) bemor эса нобуд бўлган, асосий гуруҳда эса 44 (80%) bemor даволаниб чиқкан, 11 (20%) нафари нобуд бўлган. Шундай қилиб биз таклиф қилган алгоритмлар ва клиникамизда ишлаб чиқилган янги операция усули натижасида асосий гуруҳда даволаниб чиқкан bemorлар сони 1,4 маротаба ошган, ўлим ҳолати эса 1,9 баробарига камайган.

Ўтказилган тахлилларимизга кўра омфалоцеле билан операция бўлган 91 bemordan 42 (46,2%) нафарида операциядан кейинги эрта даврда турли хил асоратлар кузатилди. Бу асоратлар ўз навбатида операциядан кейинги даврни силлиқ кечишига салбий таъсир

күрсатди. Омфалоцеле билан касалланган чақалоқларда иккали гурухдаги ривожланган эрта асоратларни солиштирма таҳлил қилиш операциядан кейинги ичак парези (18,3 ва 10,1%), операцион жарроҳатни йиринглаши (4,2% ва 1,8%) ва пневмония аломатлари (14,6% ва 10,9%) ҳар икки гурухда деярли бир хилда кузатилди. Аммо, висцеро-абдоминал диспропорция аломатлари назорат гурухидаги беморларда асосий гурухга нисбатан деярли 2 баробар (назорат ва асосий гурухларда 14,6% ва 7,4%) кўп ҳолатда кузатилди. Жами назорат гурухда 52,1% ва асосий гурухда 30,9% беморларда (1,7 маротаба назорат гурухда кўп) операциядан кейинги эрта асоратлар кузатилди.

103 нафар бемордан 32 (31,1%) тасида ўлим ҳолати кузатилди. Ўлим ҳолатлари таҳлил қилинганда 11 (34,4%) нафарида оғир соматик фон, аспирацион бронхопневмония, чала туғилганлик аниқланган. 12 (37,5%) чақалоқ стационарга транспортировка вақтидаги гипотермия аломатлари билан госпитализация қилинган. Қолган 9 (28,1%) тасида эса ўлим операциядан кейинги даврда склерема вужудга келишига сабабли бўлди. 32 та бемордан 21 (66%) нафарида 2 ва ундан ортиқ тизимларида кўплаб нуқсонлар, 4 (12,5%) нафарида эса туғруқ пайтидаги бош мия ичига қон қуйилиши ва мияшиши ўлимнинг асосий сабаби бўлди.

Омфалоцеле билан даволанган беморлардаги даволашнинг узоқ натижалари 71 та касалхонадан чиқарилган бемордан 56 (78,9%) тасида 6 ойдан 3 йилгача бўлган муддатда ўрганилди. Даволашнинг узоқ натижаларини баҳолашда беморнинг тана вазни, юқори нафас йўллари яллиғланиши, ошқозон ичак тизими аъзолари дисфункцияси, қорин бўшлиғидаги чандиқли жараён, бўладиган оғриқлар ҳисобга олинди. Омфалоцеле билан даволанган беморларда даволашнинг узоқ натижалари "яхши", "қониқарли" ва "қониқарсиз" ҳолатда баҳоланди. "Яхши" натижка кузатилган барча 20 (35,7%) нафар беморларда гомеостазнинг клиник-лаборатор кўрсаткичлари меъёрда ва тана вазни ёшига мос равишда бўлди. Ошқозон ичак дисфункцияси ва қорин бўшлиғида битишмали касаллик аломатлари (қоринда вақти-вақти билан оғриқ, қусиши, ич қотиши) кузатилмади. Киндикнинг косметик ҳолати қониқарли. "Қониқарли" натижка 25 (44,6%) нафар беморларда кузатилди. Бу беморларда гомеостазнинг клиник-лаборатор кўрсаткичларида қисман ўзгаришлари (енгил даражали камқонлик, I даражали гипотрафия), йил давомида 3-4 марта қайталанувчи ошқозон ичак дисфункцияси ва қайталанувчи қорин бўшлиғида битишмали касаллик аломатлари (қоринда вақти-вақти билан оғриқ, қусиши, ич қотиши) кузатилди. Киндик ўрнида чандиқлар аниқланилади. "Қониқарсиз" натижка 11 (19,6%) нафар беморларда кузатилиб, уларда гомеостазнинг клиник-лаборатор кўрсаткичларида яққол ўзгаришлар (ўрта оғир ва оғир даражали камқонлик; II-III даражали гипотрафия), йил давомида 6-7 марта қайталанувчи ошқозон ичак дисфункцияси ва қайталанувчи қорин бўшлиғида битишмали касаллик аломатлари кузатилди. Юқоридаги 11 нафар бемордан 3 (27,3%) нафарига кечки битишмали ичак тутилиши билан жарроҳлик муолажаси ўтказилди. Операциядан кейинги даволашнинг узоқ давридаги натижалари чурра ўлча-

мига ҳам боғлиқлиги аниқланди. Чунончи, чурра ҳажми қанчалик катта бўлса узоқ даврдаги натижка ҳам шунча қониқарсиз бўлди. Узоқ муддатли натижаларнинг солиштирма таҳлили асосий гурухда "яхши" ва "қониқарли" натижка 43,6% ва 48,7% беморларда кузатилган бўлса, назорат гурухида – 17,6% ва 35,3% чақалоқларда кузатилди, яъни улар асосий гурухда назорат гурухи кўрсаткичларига нисбатан 2,5 ва 1,4 марта юқори бўлди. Қониқарсиз натижалар асосий ва назорат гурухларда 7,7% ва 47,1% беморларда кузатилиб, яъни асосий гурухда бу кўрсаткич 6,1 марта камайди.

Хуносалар

1. Омфалоцеледа даволаш натижаларининг самарадорлиги чақалоқларнинг туғилиш муддати, вазни, висцеро-абдоминал диспропорциянинг дарражаси, йўлдош нуқсонлар борлиги ва чурра ўлчамларига боғлиқ. Чурра ўлчами қанчалик катта бўлса, йўлдош нуқсонлар сони ҳам шунча кўп бўлади.

2. Кичик ва ўртача ўлчамли омфалоцеле қорин олд деворининг радикал пластикасига кўрсатма бўлса, катта ўлчамдагисида босқичли операция ўтказиш мақсадга мувофиқдир.

3. Омфалоцеледа биз таклиф қилгаётган операция усулини қўллаш ўлим кўрсаткичларини 1,9 баробарига ва қониқарсиз натижаларни 6,1 марта камайишига олиб келади.

Адабиётлар

1. Грана В.Н., Перунский В.П., Весёлый С.В. и др. Оптимизация лечения врожденных расщелин передней брюшной стенки у детей // Украинский журн. хир. – 2008. – №1. – С. 105-112.

2. Исаев Ю.Ф., Володин Н.Н., Гераськин А.В. Неонатальная хирургия. – М., 2011. – С. 450-459.

3. Морозов Д.А., Филиппов Ю.В., Никитина А.С. и др. Варианты хирургического лечения омфалоцеле // Саратовский науч.-мед. журн. – 2007. – №2. – С. 23-25.

4. Спахи О.В., Лятуринская О.В., Макарова М.А. Врожденные пороки развития передней брюшной стенки (синдром внешних деформаций): Омфалоцеле. Гастроэзо. Синдром Вильяма-Ослера. – Запорожье: Изд-во ЗГМУ, 2016. – 70 с.

5. Henrich K., Huemmer H.P., Reingruber B., Weber P.G. Gastrostomia and omphalocele: treatments and long-term outcomes // Pediatr. Surg. Int. – 2008. – Vol. 24, №2. – P. 167-173.

ЧАҚАЛОҚЛАРДА ОМФАЛОЦЕЛЕНИ ДАВОЛАШ НАТИЖАЛАРИНИ ТАҲЛИЛИ

Рўзматов И.Б.

Мақсад: чақалоқларда омфалоцелени яқин ва узоқ даволаш натижаларини таҳлил қилиш. **Материал ва усуllibar:** тадқиқотлар Республика неонатал хирургия ўқув-даволаш-методик марказида 103 нафар (45 қиз ва 58 ўғил болалар) омфалоцелели чақалоқларда ўтказилди. **Натижалар:** кичик ва ўртача ўлчамдаги омфалоцеледа қорин олд деворининг радикал пластикаси тавсия этилади, катта ўлчамда операция усулини танлаш висцеро-абдоминал диспропорция дарражаси ва қўшима нуқсонлар оғирлигига боғлиқ. Янги операция усулини қўллаш даволаниб чиқсан беморлар сонини 1,4 марта ошишига олиб келди. "Яхши" ва "қониқарли" натижалар 2,5 ва 1,4 марта ортди, "қониқарсиз" эса 6,1 марта камайди. **Хуносалар:** бу эса омфалоцелени даволашда таклиф этилаётган алгоритмни кенг тадбиқ қилишни тавсия этади.

Калим сўзлар: чақалоқлар, омфалоцеле, жарроҳлик амалиёти натижалари.